

UNIVERZITET U SARAJEVU
- SENAT -

Broj: 01-38-4794-1/14

Sarajevo, 23. 12. 2014. godine

Z A P I S N I K
SA 28. SJEDNICE SENATA
ODRŽANE 23. 12. 2014. GODINE

Prisutni članovi Senata: prof. dr. Muharem Avdispahić, rektor, prof. dr. Ugo Vlasisavljević, prof. dr. Dženan Đonlagić, prof. dr. Zehra Kreho i prof. dr. Faruk Mekić, prorektori, Samir Arnautović, student-prorektor, prof. Marina Finci, prof. Zijad Mehić (po ovlaštenju), prof. dr. Erdin Salihović (po ovlaštenju), doc. dr. Džafer Alibegović (po ovlaštenju), prof. dr. Narcis Behlilović, prof. dr. Zuhdija Hasanović, prof. dr. Nedžad Korajlić, prof. dr. Šaćir Filandra, prof. dr. Ifet Mahmutović, prof. dr. Samir Čaušević, prof. dr. Dijana Avdić, prof. dr. Aida Šapčanin (po ovlaštenju), prof. dr. Lidija Zvačko (po ovlaštenju), prof. dr. Mustafa Hrasnica, prof. dr. Ejub Džaferović, prof. dr. Almira Hadžović-Džuvo, prof. dr. Ivan Čavlović, prof. dr. Uzeir Bavčić, prof. dr. Zlatan Sarić, prof. dr. Hajrija Sijerčić-Čolić, prof. dr. Rifat Škrijelj, prof. dr. Sead Redžepagić, prof. dr. Mirza Dautbašić, prof. dr. Munib Tahirović, doc. dr. Pavle Mijović (po ovlaštenju), prof. dr. Naris Pojskić (po ovlaštenju), dr. Rasim Muratović, prof. dr. Husnija Kamberović, dr. Alen Kalajdzija, Ahmed Nurković, predsjednik SPUS-a i predstavnik SPUS-a u Grupaciji društvenih nauka, Bekir Rovčanin (predstavnik SPUS-a u Grupaciji medicinskih nauka), Amar Avdić (predstavnik studenata u Grupaciji humanističkih nauka) i Ismir Smajić (predstavnik SPUS-a u Grupaciji prirodno-matematičkih i biotehničkih nauka).

Ostali prisutni: dr. sc. Suvad Konaković, generalni sekretar Univerziteta u Sarajevu.

Odsutni: prof. dr. Nihad Fejzić, dr. Adnan Kadrić, Omar Kapetanović (predstavnik SPUS-a u Grupaciji tehničkih nauka) i Esmā Sulejmanagić (predstavnik SPUS-a u Grupaciji umjetnosti), članovi.

Zasjedanje je počelo u 13,00 sati.

Predsjedavao je rektor prof. dr. Muharem Avdispahić, na čiji je prijedlog usvojen sljedeći izmijenjeni i dopunjeni

D N E V N I R E D

1. Usvajanje Zapisnika sa 27. redovne sjednice Senata Univerziteta u Sarajevu od 26. 11. 2014. godine
2. Izbor studenta-prorektora Univerziteta u Sarajevu
3. a) Izbori u akademska i naučna zvanja

- b) Raspisivanje konkursa za izbor akademskog osoblja
 - c) Angažman akademskog osoblja sa drugih univerziteta
4. Doktorati nauka
 5. a) Saglasnosti na nastavne planove i programe
b) Saglasnost na raspisivanje konkursa za upis kandidata na treći ciklus studija
 6. Realizacija upisa studenata u prvu godinu prvog i drugog ciklusa studija na Univerzitetu u Sarajevu u akademskoj 2014/2015. godini
 7. Izvještaj Komisije za pripremu prijedloga za raspodjelu sredstava Federalnog ministarstva obrazovanja i nauke za finansiranje/sufinansiranje projekata iz oblasti nauke i projekata opremanja institucija nauke iz budžeta za 2014. godinu
 8. Finansiranje studentskih aktivnosti
 9. Međunarodna saradnja
 10. Izdavačka djelatnost
 11. Izvještaj Komisije za priznavanje inozemnih visokoškolskih kvalifikacija Univerziteta u Sarajevu
 12. Realizacija obaveza iz člana 214. Statuta Univerziteta u Sarajevu
 13. Informacije

T O K S J E D N I C E

Ad-1.

Zapisnik sa 27. redovne sjednice Senata Univerziteta u Sarajevu od 26. 11. 2014. godine usvojen je jednoglasno.

Ad-2.

U skladu sa Pravilnikom o izboru studenta-prorektora Univerziteta u Sarajevu, jednoglasno je donesena

O D L U K A **O IMENOVANJU STUDENTA-PROREKTORA** **UNIVERZITETA U SARAJEVU**

Samir Arnautović, student drugog ciklusa studija na Fakultetu političkih nauka Univerziteta u Sarajevu, imenovan je za studenta-prorektora Univerziteta u Sarajevu za mandatni period 2014–2015. godine.

Mandat studenta-prorektora traje 1 (jednu) godinu.

Ad-3

- a) U skladu sa Zakonom o visokom obrazovanju Kantona Sarajevo (prečišćeni tekst) i Statutom Univerziteta u Sarajevu, Senat Univerziteta u Sarajevu izvršio je izbor u akademska zvanja i dao saglasnosti na izbor u naučna zvanja, kako slijedi:

ELEKTROTEHNIČKI FAKULTET

- 3.1. Dr. Saša Mrdović u zvanje vanrednog profesora za oblast *računarstvo i informatika*.
3.2. Dr. Emir Buza u zvanje docenta za oblast *računarstvo i informatika*.
3.3. Nedis Dautbašić, MA, u zvanje asistenta za naučnu oblast *elektroenergetika*.
3.4. Maja Muftić, MA, u zvanje asistenta za naučnu oblast *elektroenergetika*.
3.5. Nermin Oprašić, MA, u zvanje asistenta za naučnu oblast *elektroenergetika*.

FAKULTET ZA KRIMINALISTIKU, KRIMINOLOGIJU I SIGURNOSNE STUDIJE

- 3.6. Dr. Samir Rizvo u zvanje docenta za oblast *kriminologija*.

FAKULTET SPORTA I TJELESNOG ODGOJA

- 3.7. Dr. Husnija Kajmović u zvanje redovnog profesora za oblast *borilački spotovi*.
3.8. Alen Čirić, MA, u zvanje asistenta za oblast *organizacija i upravljanje u sportu*.
3.9. Šemso Ormanović, MA, u zvanje asistenta za oblast *organizacija i upravljanje u sportu*.

FAKULTET ZDRAVSTVENIH STUDIJA

- 3.10. Dr. Bećir Heljić u zvanje redovnog profesora za oblast *morfološke tehnologije u citodijagnostici i hematologiji*.
3.11. Dr. Elma Kučukalić-Selimović u zvanje redovnog profesora za oblast *radiološke tehnologije u nuklearnoj medicini*.

GRAĐEVINSKI FAKULTET

- 3.12. Mr. Muhamed Madžareviću u zvanje višeg stručnog saradnika za oblasti *građevinske konstrukcije i građevinski materijali*.

KATOLIČKI BOGOSLOVNI FAKULTET

- 3.13. Dr. Zdenko Spajić u zvanje docenta za oblast *teologija* (Moralna teologija).
3.14. Dr. Šimo Maršić u zvanje docenta za oblast *teologija* (Pastoralna teologija).
3.15. Mr. Josip Lebo u zvanje višeg asistenta za oblast *teologija* (Filozofija).

MEDICINSKI FAKULTET

- 3.16. Dr. Haris Tanović u zvanje redovnog profesora za oblast *hirurgija* (Abdominalna hirurgija).
3.17. Dr. Jasna Kusturica u zvanje vanrednog profesora za oblast *farmakologija i toksikologija*.
3.18. Dr. Ismet Suljević u zvanje vanrednog profesora za oblast *hirurgija* (Anestezija, analgezija i reanimacija).
3.19. Dr. Benjamin Kulovac u zvanje vanrednog profesora za oblast *hirurgija* (Urologija).

- 3.20. Dr. Nermir Granov u zvanje vanrednog profesora za oblast *hirurgija* (Kardiohirurgija).
- 3.21. Dr. Slavenka Štraus u zvanje docenta za oblast *hirurgija* (Anestezija, analgezija i reanimacija).
- 3.22. Mr. Sadeta Begić-Kapetanović u zvanje višeg asistenta za oblast *hirurgija* (Dječija hirurgija).
- 3.23. Dr. Mirela Mačkić-Đurović u zvanje naučnog saradnika za oblast *genetika*.
- 3.24. Mr. Zijad Muharemović u zvanje višeg stručnog saradnika za oblast *medicinska fizika i biofizika*.

MUZIČKA AKADEMIJA

- 3.25. Dr. Valida Akšamija u zvanje docenta za predmet *Metodika muzičke nastave I-VIII*.

POLJOPRIVREDNO-PREHRAMBENI FAKULTET

- 3.26. Dr. Jasmina Tahmaz u zvanje docenta za predmete: *Tehnološke operacije u prehrambenoj industriji i Tehnologija gotove hrane*.

PRAVNI FAKULTET

- 3.27. Dr. Jasna Bakšić-Muftić u zvanje redovnog profesora za oblast *teorija prava i države*.
- 3.28. Dr. Džamna Duman u zvanje docenta za oblast *porodično pravo* (Porodično pravo I, Porodično pravo II i pripadajući izborni predmeti).

ŠUMARSKI FAKULTET

- 3.29. Dr. Osman Mujezinović u zvanje vanrednog profesora za oblast *zaštita šuma i urbanog zelenila*.

VETERINARSKI FAKULTET

- 3.30. Dr. Ahmed Smajlović u zvanje docenta za oblast *kliničke nauke veterinarske medicine* (Farmakognozija).

b) Prof. dr. Narcis Behlilović zatražio je da se na sjednici razmotri prijedlog za raspisivanje konkursa za izbor akademskog osoblja na oblastima *vjerovatnoća i statistika* i *telekomunikacije* na Elektrotehničkom fakultetu Univerziteta u Sarajevu. Prof. dr. Muharem Avdispahić je istakao da tekst konkursa za izbor akademskog osoblja (u sva zvanja), u dijelu koji se odnosi na uvjete koje kandidat treba ispunjavati, mora sadržavati odredbe o tome u kojoj oblasti kandidat treba da je stekao stručna i akademska zvanja.

Nakon što je prihvaćena sugestija prof. dr. Muharema Avdispahića, Senat Univerziteta u Sarajevu je dao saglasnost na raspisivanje konkursa za izbore akademskog osoblja na: Fakultetu za kriminalistiku, kriminologiju i sigurnosne studije i Građevinskom fakultetu Univerziteta u Sarajevu, te na Elektrotehničkom fakultetu uz uvjet da se otkloni uočeni nedostatak.

c) Data je saglasnost na angažman nastavnika sa drugih univerziteta iz zemlje i inozemstva na Fakultetu političkih nauka i Šumarskom fakultetu Univerziteta u Sarajevu.

Ad-4.

Doktorati – treći ciklus studija (doktorski studij)

Jednoglasno su donesene odluke kojima se obrazuju sljedeće komisije za ocjenu uvjeta kandidata i podobnosti teme doktorske disertacije:

ELEKTROTEHNIČKI FAKULTET

4.1. Obrazuje se Komisija za ocjenu uvjeta kandidata mr. Brune Trstenjaka i podobnosti teme doktorske disertacije *Model predikcije klasa objekata baziran na višedimenzionalnim heterogenim podacima* u sljedećem sastavu:

1. dr. Zikrija Avdagić, redovni profesor, predsjednik
2. dr. Dženana Đonko, vanredni profesor, član i
3. dr. Samir Omanović, docent, član.

FAKULTET POLITIČKIH NAUKA

4.2. Obrazuje se Komisija za ocjenu uvjeta kandidata Dražena Erkića, MA, i podobnosti teme doktorske disertacije *Savremeni bezbjednosni izazovi u lokalnim zajednicama* u sljedećem sastavu:

1. dr. Mirko Pejanović, profesor emeritus, predsjednik
2. dr. Izet Beridan, redovni profesor, član i
3. dr. Vlado Azinović, vanredni profesor, član.

Jednoglasno su donesene odluke kojima se verificiraju sljedeći izvještaji komisija za ocjenu uvjeta kandidata i podobnosti teme doktorske disertacije:

ARHITEKTONSKI FAKULTET

4.3. Verificira se Izvještaj Komisije za ocjenu uvjeta kandidata Hamdija Qorrija i podobnosti teme doktorske disertacije *Fenomen nekontrolisane suburbanizacije u tranzicijskom kontekstu – uzroci, posljedice i uloga prostornog planiranja Kosova.*

ELEKTROTEHNIČKI FAKULTET

4.4. Verificira se Izvještaj Komisije za ocjenu uvjeta kandidata mr. Damira Omeraševića i podobnosti teme doktorske disertacije *Novi pristup kombinovanju kriptografije i steganografije za tajnu razmjenu poruka.*

4.5. Verificira se Izvještaj Komisije za ocjenu uvjeta kandidata mr. Emira Sokića i podobnosti teme doktorske disertacije *Algoritmi za analizu oblika na bazi Fourierovih deskriptora.*

4.6. Verificira se Izvještaj Komisije za ocjenu uvjeta kandidata mr. Nermina Gorana i podobnosti teme doktorske disertacije *Modeliranje utjecaja parametara nižih slojeva OSI/ISO modela na kvalitet iskustva korisnika prilikom isporuke multimedijalnih servisa u nepokretnoj pristupnoj mreži.*

4.7. Verificira se Izvještaj Komisije za ocjenu uvjeta kandidata mr. Asmira Butkovića i podobnosti teme doktorske disertacije *Novi pristup u modeliranju geolociranja počinitelja sajber kriminala.*

PRAVNI FAKULTET

4.8. Verificira se Izvještaj Komisije za ocjenu uvjeta kandidata mr. Sabine Sarajlije i podobnosti teme doktorske disertacije *Pregovaranje o krivici u krivičnoprocesnom zakonodavstvu i praksi u Bosni i Hercegovini*.

Jednoglasno su donesene odluke kojima se obrazuju komisije za ocjenu doktorskih disertacija:

ARHITEKTONSKI FAKULTET

4.9. Obrazuje se Komisija za ocjenu doktorske disertacije kandidatkinje Valerije Kopilaš, dipl. ing. arh., pod nazivom *Rehabilitacija višestambenih zgrada kroz primjenu principa ekološke gradnje u cilju poboljšanja njihove funkcionalnosti* u sljedećem sastavu:

1. dr. Ahmet Hadrović, redovni profesor, predsjednik
2. dr. Denis Zvizdić, vanredni profesor, član i
3. dr. Dženana Bijedić, docent, član.

Jednoglasno su donesene odluke kojima se obrazuju komisije za odbranu doktorskih disertacija:

PRIRODNO-MATEMATIČKI FAKULTET

4.10. Obrazuje se Komisija za odbranu doktorske disertacije kandidata mr. Lamije Šćete pod nazivom *Neka poopštenja Tauberovih teorema za Laplaceovu transformaciju i primjene na Weylov zakon* u sljedećem sastavu:

1. dr. Muharem Avdispahić, redovni profesor, predsjednik
2. dr. Lejla Smajlović, redovni profesor, član
3. dr. Almasa Odžak, docent, član i
- dr. Nacima Memić, docent, zamjenik člana.

4.11. Obrazuje se Komisija za odbranu doktorske disertacije kandidata mr. Jasmina Bekteševića pod nazivom *Globalna dinamika polinomijalnih diferentnih jednažbi drugog reda u prvom kvadrantu i asimptotsko određivanje invarijantnih mnogostrukosti* u sljedećem sastavu:

1. dr. Senada Kalabušić, redovni profesor, predsjednik
2. dr. Mustafa Kulenović, redovni profesor (SAD), član
3. dr. Esmir Pilav, docent, član i
- dr. Mehmed Nurkanović, redovni profesor (Tuzla), zamjenik člana.

4.12. Obrazuje se Komisija za odbranu doktorske disertacije kandidata mr. Midhata Mehuljića pod nazivom *Globalna dinamika i bifurkacije jedne kvadratne frakcionalne diferentne jednažbe sa primjenama* u sljedećem sastavu:

1. dr. Mustafa Kulenović, redovni profesor (SAD), predsjednik
2. dr. Senada Kalabušić, redovni profesor, član
3. dr. Esmir Pilav, docent, član i

- dr. Mehmed Nurkanović, redovni profesor (Tuzla), zamjenik člana.
-

Jednoglasno su donesene odluke kojima se verificiraju sljedeći izvještaji komisija za ocjenu uvjeta kandidata i podobnosti teme doktorske disertacije:

ELEKTROTEHNIČKI FAKULTET

4.13. Verificira se Izvještaj Komisije za ocjenu uvjeta kandidata mr. Ajle Merzić i podobnosti teme doktorske disertacije *Modeliranje konvencionalnih elektroenergetskih sistema u procesu tranzicije u novim uslovima rada.*

Jednoglasno su donesene odluke kojima se obrazuju komisije za ocjenu i odbranu doktorskih disertacija:

ELEKTROTEHNIČKI FAKULTET

4.14. Obrazuje se Komisija za ocjenu i odbranu doktorske disertacije kandidata mr. Razije Turčinhodžić pod nazivom *Genetički algoritam s dinamičkom promjenom operatora selekcije* u sljedećem sastavu:

1. dr. Samim Konjicija, vanredni profesor, predsjednik
2. dr. Zikrija Avdagić, redovni profesor, član i
3. dr. Samir Omanović, docent, član.

4.15. Obrazuje se Komisija za ocjenu i odbranu doktorske disertacije kandidata mr. Adnana Huremovića pod nazivom *Doprinos razvoju mehanizama kontrole pristupa u mreži sa internet protokolom, zasnovanih na višedimenzionalnim parametrima kvaliteta usluge* u sljedećem sastavu:

1. dr. Narcis Behlilović, redovni profesor, predsjednik
2. dr. Mesud Hadžialić vanredni profesor, član i
3. dr. Mirko Škrbić, vanredni profesor, član.

4.16. Obrazuje se Komisija za ocjenu i odbranu doktorske disertacije kandidata mr. Mirsada Hasanića pod nazivom *Integracija malih hidroelektrana u elektroenergetski sistem uz minimalizaciju gubitaka električne energije* u sljedećem sastavu:

1. dr. Alija Muharemović, redovni profesor, predsjednik
2. dr. Selma Hanjalić, docent, član
3. dr. Senad Smaka, docent, član
4. dr. Abdulah Akšamović, vanredni profesor, član i
5. dr. Mustafa Musić, vanredni profesor, član.

FAKULTET SPORTA I TJELESNOG ODGOJA

4.17. Obrazuje se Komisija za ocjenu i odbranu doktorske disertacije kandidata mr. Adnana Hodžića pod nazivom *Nivoi transformacionih procesa antropoloških dimenzija košarkaša od 12-14 godina pod uticajem različitih trenažnih tehnologija* u sljedećem sastavu:

1. dr. Munir Talović, redovni profesor, predsjednik

2. dr. Izet Rađo, redovni profesor, član
3. dr. Ifet Mahmutović, vanredni profesor, član
4. dr. Muriz Hadžikadunić, redovni profesor, član
5. dr. Midhat Mekić, redovni profesor, član i
 - dr. Elvir Kazazović, vanredni profesor, zamjenski član.

FAKULTET POLITIČKIH NAUKA

4.18. Obrazuje se Komisija za ocjenu i odbranu doktorske disertacije kandidata mr. Belme Buljubašić pod nazivom *Instrumentalizacija masovnih medija u funkciji nacionalističke destrukcije bosanskohercegovačke komunikacijske zajednice* u sljedećem sastavu:

1. dr. Jelenka Voćkić-Avdagić, redovni profesor, predsjednik
2. dr. Najil Kurtić, vanredni profesor, član
3. dr. Lejla Turčilo, vanredni profesor, član i
 - dr. Fahira Fejzić-Čengić, vanredni profesor, zamjenski član.

4.19. Obrazuje se Komisija za ocjenu i odbranu doktorske disertacije kandidata mr. Fahrudina Smailovića pod nazivom *Odnos printanih medija prema religijskim zajednicama u Bosni i Hercegovini u periodu od 1997. do 2007. godine* u sljedećem sastavu:

1. dr. Fahira Fejzić-Čengić, vanredni profesor, predsjednik
2. dr. Šemso Tucaković, profesor emeritus, član
3. dr. Dino Abazović, vanredni profesor, član i
 - dr. Jelenka Voćkić-Avdagić, redovni profesor, zamjenski član.

FAKULTET ZA SAOBRAĆAJ I KOMUNIKACIJE

4.20. Obrazuje se Komisija za ocjenu i odbranu doktorske disertacije kandidata mr. Azre Ferizović pod nazivom *Šest sigma u funkciji dinamičkog optimiziranja poslovnih procesa željezničkog saobraćajnog sistema* u sljedećem sastavu:

1. dr. Abidin Deljanin, vanredni profesor, predsjednik
2. dr. Samir Čaušević, redovni profesor, član i
3. dr. Nedžad Branković, docent, član.

Ad-5.

a) Saglasnosti na nastavne planove i programe

- Data je saglasnost na nastavni plan i program za treći ciklus studija (doktorski studij) na Mašinskom fakultetu Univerziteta u Sarajevu iz oblasti: *mašinske konstrukcije, razvoj savremenih motora i vozila, odbrambene tehnologije i nauka i tehnologija obrade drveta.*
- Data je saglasnost na dopunu nastavnog plana i programa za treći ciklus studija (doktorski studij) na Arhitektonskom fakultetu Univerziteta u Sarajevu.

b) Data je saglasnost na raspisivanje konkursa za upis kandidata na treći ciklus studija (doktorski studij) pod nazivom „Uprava“ na Fakultetu za upravu u Sarajevu.

Ad-6.

Članovi Senata su se upoznali sa realizacijom upisa studenata u prvu godinu prvog i drugog ciklusa studija na Univerzitetu u Sarajevu u akademskoj 2014/2015. godini.

Ad-7.

Članovi Senata su usvojili Izvještaj Komisije za pripremu prijedloga za raspodjelu sredstava Federalnog ministarstva obrazovanja i nauke za finansiranje/sufinansiranje projekata iz oblasti nauke i projekata opremanja institucija nauke iz budžeta za 2014. godinu. Zaključeno je da organizacione jedinice koje nisu dostavile kompletirane prijave iste mogu dostaviti do ponedjeljka 29. decembra 2014. godine do 12,00 sati. Također, organizacione jedinice koje žele da prijave projekte po svim LOT-ovima kompletirane prijave mogu dostaviti do navedenog roka.

Ad-8.

Senat je upoznat s Odlukom Upravnog odbora Univerziteta u Sarajevu od 01. 12. 2014. godine u vezi sa zaključivanjem ugovora kojim se preciznije uređuju međusobna prava i obaveze između Univerziteta u Sarajevu odnosno fakulteta/akademija i Studentskog parlamenta/vijeća.

Prof. dr. Muharem Avdispahić je podsjetio na obavezu da Studentski parlament uskladi svoja akta sa zakonom i Statutom Univerziteta u Sarajevu, kao i da što hitnije izabere legitimne predstavnike studenata u Senatu Univerziteta u Sarajevu za ovu akademsku godinu.

Ad-9.

a) Članovi Senata su jednoglasno donijeli

**ODLUKU
O DODJELI PRIZNANJA UNIVERZITETA U SARAJEVU**

Priznanje Univerziteta u Sarajevu *Medalja Univerziteta u Sarajevu* dodjeljuje se NJ. E. gospodinu Eidu Mohammedu Althakafiju, ambasadoru Kraljevine Saudijske Arabije u Bosni i Hercegovini, za podršku razvoju Univerziteta u Sarajevu i izuzetan doprinos u realizaciji projekta „Univerzitetska biblioteka Univerziteta u Sarajevu“.

b) Data je saglasnost na potpisivanje ugovora o saradnji između Univerziteta u Sarajevu, Šumarski fakultet, i Univerziteta u Tenesiju (SAD).

c) Data je saglasnost na potpisivanje ugovora o pristupanju Univerziteta u Sarajevu, Šumarski fakultet, u asocijaciju „Evoltree“.

Ad-10.

a) Data je saglasnost da se udžbenik „Razvoj programskih rješenja“, autorice prof. dr. Dženane Đonko (Elektrotehnički fakultet), objavi kao univerzitetsko izdanje.

b) Data je saglasnost da se udžbenik „Multimedija i kodiranje“, autora doc. dr. Jasmine Baraković-Husić, dr. Enise Brke, prof. dr. Mesuda Hadžialića, prof. dr. Mirka Škrbića (Elektrotehnički fakultet), objavi kao univerzitetsko izdanje.

c) Donesena je odluka o produženju mandata dosadašnjim članovima Izdavačkog savjeta u sljedećem sastavu:

- prof. dr. Ugo Vlaisavljević, predsjednik (prorektor za međunarodnu saradnju i izdavačku djelatnost Univerziteta u Sarajevu),
- prof. dr. Meliha Zejnilagić-Hajrić, dopredsjednica (Grupacija prirodno-matematičkih i biotehničkih nauka, Prirodno-matematički fakultet),
- prof. dr. Dželal Ibraković (Grupacija društvenih nauka, Fakultet političkih nauka),
- doc. dr. Kanita Imamović-Čizmić (Grupacija društvenih nauka, Pravni fakultet),
- prof. dr. Uzeir Bavčić (Grupacija humanističkih nauka, Pedagoški fakultet),
- prof. dr. Ifet Mahmutović (Grupacija humanističkih nauka, Fakultet sporta i tjelesnog odgoja),
- prof. dr. Dijana Avdić (Grupacija medicinskih nauka, Fakultet zdravstvenih studija),
- prof. dr. Adlija Čaušević (Grupacija medicinskih nauka, Farmaceutski fakultet)
- prof. dr. Ćemal Višnjić (Grupacija prirodno-matematičkih i biotehničkih nauka, Šumarski fakultet),
- prof. dr. Narcis Behlilović (Grupacija tehničkih nauka, Elektrotehnički fakultet),
- doc. dr. Dženana Bijedić (Grupacija tehničkih nauka, Arhitektonski fakultet),
- prof. Tamara Karača-Beljak (Grupacija umjetnosti, Muzička akademija) i
- prof. mr. Elma Tataragić (Grupacija umjetnosti, Akademija scenskih umjetnosti).

Ad-11.

Usvojen je Izvještaj Komisije za provođenje postupka stručnog priznavanja inozemnih visokoškolskih kvalifikacija od 18. 12. 2014. godine.

Ad-12.

Članovi Senata su upoznati sa analizom i zaključcima Odbora za normativna pitanja Univerziteta u Sarajevu koji se tiču praćenja primjene odredbi Statuta Univerziteta u Sarajevu s ciljem identifikacije provedbenih općih akata.

Ad-13.

Informacije

Prof. dr. Mustafa Hrasnica problematizirao je primjenu Odluke Vlade Kantona Sarajevo o davanju saglasnosti na visinu participacije cijena usluga, upisnina i drugih troškova studija, odnosno primjenu tačke III Odluke (visina uplate školarine) u situaciji kada student izgubi status redovnog studenta i prelazi u drugi status – status samofinansirajućeg studenta. Konstatirano je različito postupanje o ovom pitanju na fakultetima/akademijama Univerziteta. Predloženo je da Odbor za finansije za jednu od narednih sjednica Senata pripremi stav o navedenoj problematici kojim će se usaglasiti praksa na Univerzitetu.

Sjednica je završena u 14,50 sati.

Rektor

Prof. dr. Muharem Avdispahić

Zapisničar:

Alma Voloder-Madacki